

**Zavod zdravstvenog osiguranja i reosiguranja  
Federacije Bosne i Hercegovine  
Sarajevo**

**ODLUKA**

***o načinu i postupku utvrđivanja cijena zdravstvenih usluga koje nisu sadržane u  
Tarifi zdravstvenih usluga u Federaciji Bosne i Hercegovine***

***Sarajevo, januar 2020. godine***

Na osnovu člana 104. stav 1. alineja 15. a u vezi sa članom 104. stav 1. alineja (7) Zakona o zdravstvenom osiguranju („Službene novine Federacije BiH“, broj: 30/97, 7/02, 70/08, 48/11 i 36/18), kao i člana 12. Statuta Zavoda zdravstvenog osiguranja i reosiguranja Federacije Bosne i Hercegovine („Službene novine Federacije BiH“, broj 69/05), Upravni odbor Zavoda zdravstvenog osiguranja i reosiguranja Federacije Bosne i Hercegovine, na 86. sjednici održanoj 29.01.2020. godine, utvrđuje

## **ODLUKU**

### ***o načinu i postupku utvrđivanja cijena zdravstvenih usluga koje nisu sadržane u Tarifi zdravstvenih usluga u Federaciji Bosne i Hercegovine***

#### **I**

Ovom odlukom utvrđuje se način i postupak izračuna i utvrđivanja cijena zdravstvenih usluga koje nisu sadržane u važećoj Tarifi zdravstvenih usluga u Federaciji Bosne i Hercegovine (u daljem tekstu: Tarifa)

#### **II**

(1) Za zdravstvene usluge a za koje nisu utvrđene cijene u važećoj Tarifi, javne zdravstvene ustanove s područja Federacije Bosne i Hercegovine, mogu pripremiti prijedlog cijena zdravstvenih usluga.

(2) Prijedlog cijena zdravstvenih usluga iz stavka (1) ove tačke obavezno sadržava kalkulaciju cijena zdravstvenih usluga koja se izračunava uz primjenu propisane Metodologije za utvrđivanje cijena zdravstvenih usluga koja čini sastavni dio Tarife, te je za svaku zdravstvenu uslugu potrebno označiti šifru grupe iz Tarife kojoj usluge pripadaju (trocifreni broj šifre).

(3) Prijedlog cijena zdravstvenih usluga sa kalkulacijom cijena zdravstvenih usluga iz st. (1) i (2) ove tačke, usvaja upravni odbor javne zdravstvene ustanove i dostavlja Zavodu zdravstvenog osiguranja i reosiguranja Federacije Bosne i Hercegovine.

#### **III**

(1) Zaprimljeni prijedlog cijena zdravstvenih usluga sa kalkulacijom cijena zdravstvenih usluga iz tačke II st. (1) i (2) ove Odluku, razmatra Zavod zdravstvenog osiguranja i reosiguranja Federacije Bosne i Hercegovine radi utvrđivanja:

- da li je prijedlog cijene zdravstvenih usluga sa kalkulacijom cijene zdravstvenih usluga urađen na osnovu Metodologije za utvrđivanje cijena zdravstvenih usluga koja čini sastavni dio Tarife;
- da li je za svaku zdravstvenu uslugu označena šifra grupe iz Tarife kojoj usluge pripadaju (trocifreni broj šifre),

(2) Ukoliko Zavod utvrdi da zaprimljeni prijedlog cijene iz tačke II. stava (3) ne sadrži sve elemente u skladu sa ovom odlukom, isti će se vratiti javnoj zdravstvenoj ustanovi na dalju doradu.

(2) Nakon obavljenih radnji iz stava (1) ove tačke odnosno dostavljenog doradenog prijedloga cijene zdravstvene usluge iz stava (2) ove tačke, Prijedlog Odluke o izmjenama i dopunama Tarife zdravstvenih usluga u Federaciji BiH, se dostavlja na razmatranje i usvajanje Upravnom odboru Zavoda zdravstvenog osiguranja i reosiguranja Federacije Bosne i Hercegovine, na prijedlog direktora Zavoda zdravstvenog osiguranja i reosiguranja Federacije Bosne i Hercegovine.

**IV**

Utvrdene cijene zdravstvenih usluga shodno ovoj odluci se primjenjuju kao privremene i važe do izrade nove Tarife.

**V**

Obaveza je javnih zdravstvenih ustanova da se pridržavaju cijena zdravstvenih usluga utvrđenih na načinu i po postupku utvrđenom ovom odlukom, a prilikom fakturisanja zdravstvenih usluga ugovornim zdravstvenim ustanovama i ugovornim privatnim zdravstvenim radnicima.

(2) Kontrolu provođenja cijena zdravstvenih ustanova na način i po postupku utvrđenom ovom odlukom provodi direktor i upravni odbori javnih zdravstvenih ustanova, kao i zavodi zdravstvenog osiguranja.

**VI**

Ova odluka stupa na snagu danom donošenja.

Broj:02/IV-01-1-313/20  
Sarajevo, 29.01.2020.godine



*[Signature]*  
Predsjednica U.O.  
Sajida Bodnaruk, dipl.iur